

SCRIPT OF EVENING GOJRI NEWS BULLETIN 13AUG 1700 HRS

ایونینگ گو جری نیوز بلیٹن مو رخہ 13 اگست 2025

یوہ آکا شوانی جموں ہے نصرت چوہدری تے ظفر کوبلی تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے اننت ناگ مانہ بجبہارا پرمیر لیگ غے دوران کہیو کہ جموں کشمیر ملک غا کھیڈاں غو غو مرکز بن رہیو ہے۔
- ۲۔ وزیر اعلیٰ عمر عبداللہ نے نوی دہلی مانہ فیتھ کنکلیو 2025 مانہ شرکت کی تے جموں کشمیر مانہ سیاحت غا مواقع پیش کیا۔
- ۳۔ یوم آزادی تیں پہلاں جموں کشمیر غا مختلف علاقاں مانہ شاندار مکمل لباس مانہ مشق غے نال حُب الوطنی غو جوش دیکھیو گیو۔
- ۴۔ مرکزی وزیر ڈاکٹر جتندر سنگھ نے کٹھوعہ مانہ ترنگا یاترا غی قیادت کی تے آزادی غا شہداں مانہ خراج عقیدت پیش کیو۔
- ۵۔ پلکیں جموں کشمیر مانہ بھارت غی تقسیم غو دردناک منظر غا تہاڑا ور یادگار تقریب وے غی۔

LG CRICKET

لیفٹیننٹ گورنر منوج سنہا نے اج کہیو کہ جموں کشمیر آہستہ آہستہ ملک غی کھیڈاں گو مرکز بن رہی وے وہ اننت ناگ مانہ بجبہارا پرمیر لیہ مانہ شریک تھا جہیرو مرکزی زیر انتظام علاقہ غو سب تیں معتبر کرکٹ مقابلو منیو جے۔ ایل جی موصوف نے اس مقابلہ مانہ نوجوان غا ہنر مانہ قومی تے بین العوامی سطح توڑی پیضان گو ایک پلیٹ فارم قرار دتو تے کھیڈاریاں غے نال ملاقات کی تے اُن غی حوصلہ افزائی کی۔ اس موقع ور گل کرتا واں اُنہاں نے مزید اس طرح کہیو۔

CM FAITH

وزیر اعلیٰ عمر عبداللہ نیاج نوی دہلی مانہ فیتھ کنکلیو 2025 مانہ اہم شخصیات تیں خطاب کیوتے کہیو کہ جموں کشمیر بھارت کی سیاحت مانہ اہم کردار ادا کرے اُنہاں نے کہیو امید تیں عزم توڑی جموں کشمیر دنیا مانہ کھلا دل تیں خوش آمدید کرن واسطے تیار ہے۔ یوہ اجلاس فیڈریشن آف ایسو سیشن انڈین ٹوریزم اینڈ ہاسپٹلٹی فیتھ تے ثافی غے تحت منعقد ہوو۔ جس مانہ بھارت تے جموں کشمیر مانہ عالمی سطح ور سیاحتی مقام گا طور ور پیش کرن غو عزم تعاون تے جدت مانہ اُجاگر کیو گیو۔

FULL DRESS REHERSAL

یوم آزادی غی تقریبات توں قبل اج پورا جموں کشمیر مانہ حُب الوطنی غا جوز وضربہ نال مکمل لباس مانہ مشق کی گئی سرینگر غا بخشی سٹیڈیم تے جموں گا مولانا آزاد سٹیڈیم سمیت اہم مقامات ور مشق کرن آلا نے یوم آزادی غی سرکارہ تقریبات غو عکس دسیو۔ ضلع ترقیاتی کمشنر راکیش منہاس نے ایم اے سٹیڈیم جموں مانہ سلامی لے پریڈ مانہ پولیس نیم فوجی دستہ این سی سی کیڈٹس تے سکول غا طلباء نے حصو لیو خطہ غاتنوع غی عکاسی کرن آلی طقافتی کارکردگی وی پیش کی گئی سننیر افسران نے 15 اگست مانہ

منظم طريقه سنگ انعقاد نانہ يقينى بنان واسطے انتظامات غى نگرانى كى۔ ذرائع ابلاغ سنگ گل كرتا واں ڈى سى جموں راكيش منہاس نے كُج اس طرح كہيو۔

TIRANGA RALLIES

آزادى غا تہاڑا غى تقریبات غا حصہ غا طور ور جموں کشمیر مانہ حُب الوطنی غا جذبہ تیں بھر پور تقریبات غو سلسلو جاری ہے۔ کٹھوعہ مانہ مرکزی وزیر ڈاکٹر جنتندر سنگھ نے کالی باری تیں شہید بھگت سنگھ پارک توڑی جوش و جذبہ تیں بھری ترنگا یاترا غی قیادت کی جت شہریاں نے قومی نعرہ بلند کیا ڈاکٹر سنگھ نے شہید بھگت سنگھ راجگرو تے سُنکھ دیو نانہ خراج عقیدت پیش کیو۔ اس موقع ور گل کرتا واں اُنہاں نے اس طرح کہيو۔ اسی طرح ریاسی مانہ ڈپٹی کمشنر ندھی ملک نے طلبہ سرکاری افسران تے مقامی لوکاں غی پُر جوش شرکت غے نال ترنگا ریلی غو آغاز کیو۔ اُنہاں نے عوام ور زور دتو کہ ہر گھر ترنگا مہم غی حمایت کریں ت خطہ مانہ اتحاد تے قومی فخر نانہ فروغ دیں۔ اس موقعور گل کرتا واں اُنہاں نے مزید اس طرح کہيو۔

PARTITION REMEMBRANCE PROG

محکمہ ثقافت جموں کشمیر پلکیں بھارت غاتقسیم غا خوفناک مناظر غا تہارا غی یاد گار تقریب پیش کرے غو تانجے 1947 مانہ بھارت غی تقسیم غو تہاڑو کروڑاں لوکاں نانہ ہوا دُکھ درد تلکیف ت بے گھر ہوا لوکاں غا اُس وقت نانہ یاد کیو جاسکے یاد گاری تقریبات پلکیں سویر 11 بجے جموں غا کا کیندر تے سرینگر غا ٹیگور ہال مانہ ایک وقت ور منعقد وے غی۔ اس موقع ور تاریخی تصاویر غی نمائش وی کی جے غی، جہڑی تقسیم غا دردناک واقعات نانہ اُجاگر کرے کی۔ اس قدم غو مقصد نوی نسل نانہ آگاہ کرنو تاریخ نانہ محفوظ رکھنو تے اُن لوکاں نانہ خراج عقیدت پیش کرنو ہے جنہاں نے تاریخ غی سبب تیں بری ہجرت غے دوران بے پناہ مشکلات نانہ برداشت کیو۔

PROG ANNOUNCEMENT

علاقائی خبراں آلا شعبہ آکاشوانی جموں 14 اگست 2025 نانہ ویبہاجن ویبھیسیکا سمرتی دیوس گا عنوان نال 25 منٹ غو ایک خصوصی پروگرام تہاڑی 12 بجے نشر کرے غو اس پروگرام مانہ مارا مہمان وین غا معروف تاریخ دان ادیب تے سیاسی تجزیہ کار پروفیسر ہری اوم ان تیں علاوہ پی ٹی آئی بیورو چیف انیل بھٹ وی مزکورہ مضمون ور اپنا خیالات سانجا کریں غا اس پروگرام غی میزبانی کریں غا مارا اینکر جگموہن شرما سامعین یوہ پروگرام میڈیم ویو 303 میٹر یعنی 990 کلو ہٹر، ایف ایم 100.3 میگا ہٹر تے ایف ایم 104.5 میگا ہٹر ور سُن سکیں۔

RAMBAN FOOD SAFETY

تسکر شدہ تے غیر معیاری گوشت ور بدتا خدشار غے بشکار ضلع رام بن مانہ کوارک گا تحفظ بارے محکمہ نے اس مہینہ چارٹن تو زیادہ غیر محفوظ تے غیر معیاری گوشت تے مرغی غی ضبطی غے بعد ایک خصوصی مہم شروع کی ہے چھاپے ماری گو مقصد تھفط تے معیاری کوارک قانون غے تحت مجرماں غی شناکت تے ان غے خلاف قانونی کاروائی کرنو ہے چلتی پھرتی خوارک ٹیسٹنگ وین ضلع بھر مانہ کھان پین غی اشیاء غو معائنو کرن مانہ اہلکاراں غی مدد کریگی اس سلسلہ مانہ حکام نانہ

ہدایت کی گئی ہے جسے وہ محفوظ ہے مناسب طریقہ سنگ صاف گوشت سے پولٹری
 مصنوعات مانہہ یقینی بناویں عوام مانہہ صحت کا تحفظ سے مزید خلاف ورزیاں مانہہ
 روکن واسطے سختی سنگ عمل در آمد غی یقین دہانی کرائی ہے۔ اس سلسلہ مانہہ بولتا وان
 ضلع رام بن غا کوارک کا تحفظ بارے محکمہ گا افسر بلبیر سنگھ نے کج اس طرح
 کہیو۔

DRUG AWARENESS CAMPAIGN

منشیات کنٹرول بیورو مرکزی وزیر داخلہ غی طرفوں جاری ہدایت ور عمل کرتا مانہہ قومی
 سطح ور 15 تے 16 اگست مانہہ منشیات مخالف بیداری مہم منعقد کرارہی ہے۔ قومی سطح ور
 اس مہم غو مقصد شہریاں مانہہ منشیات نال ہون آلا نقصان بارے بیدار کرنو ہے تے
 منشیات مکٹ بھارت مہم غا سلسلہ مانہہ یاہ بہت اہمیت رکھے اس مہم غے دوران منشیات
 مخالف بیداری مانہہ عام کرن خاطر ملک غے اندر تعلیمی داراں مانہہ کئی پروگرام منعقد
 کرایا جنیں غا جن مانہہ کئی ورکشاپ سیمینار اشتہار تے مضمون نویسی غا مقابلہ تیں
 علاوہ گلیاں مانہہ ناٹک نکڈ ناٹک سائکل ریلی تندرستی غا کئی مقابلہ تے منشیات مکٹ
 بھارت خاطر پورا ملک مانہہ دوڑ وی منعقد کرائی جنیں غی۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ
 نگاراں یعنی پی ٹی
 سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ
 دلچسپی رکھن
 آلا ایسا امیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24
 براں تیں
 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50
 صحافت غا شعبہ
 مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ
 تجربو مقرر کیو گیو ہے۔
 اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج
 مانہہ تجربو وی
 ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے
 جسے ضلع صدر دفتر
 جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست
 غی ہارڈ کاپی
 ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بڑات
 خود آئیندہ

اگست 2025 توڑی دے سکیں۔ اس بارے مزید جانکاری ویب سائٹ 31

ور دستیاب ہے۔ www.newsonair.gov.in
